

228579

廣州工學院圖書館  
基本館藏

卷〇三五六 遵字等

卷〇三五七 屯字等

卷〇三六四 寒字

卷〇三六五 寒字

永樂大典



聖  
錄  
德  
林  
官  
作  
解  
口  
高  
松

學  
士  
日  
學  
學  
海

分  
校  
官  
松  
預  
日  
倫  
特  
行

書  
寫  
儒  
士  
長  
王  
見  
呂

國  
機  
監  
生  
月  
林  
女  
松

生  
真  
仲  
松

永樂大典卷之三千五百八十七

九真

屯

屯田

人綴馬考漢昭帝始元二年發習戰射士調故吏將屯田張掖郡調發道之屯故吏前馬官職也宣帝神爵元年後將軍趙

充國擊先零羌罷騎兵屯田以待其弊東漢邊郡置農都尉主屯田殖

穀光武建武四年劉隆討李憲憲平遣隆屯田武當馬援以三輔地

曠土沃而所將賓客猥多乃上書求屯田上林苑中帝許之六年王霸

屯田新安夏李通破公孫於西域還屯田順陽八年王霸屯田函谷

關張純將兵屯田南陽明帝永平十六年北伐匈奴取伊吾地置宜

禾都尉以屯田遂通西域章帝建初二年罷伊吾廬屯田兵和帝永

元二年擊伊吾破之三年班超定西域復置戍已校尉永元十四年安

定降羌燒何種反曹鳳請廣設屯田隔塞羌胡交關之路及省委輸之役

上乃拜鳳為金城西部都尉將徒士屯龍耆後金城長史上官鴻上開置

規又建威屯田三十七部侯霸復開置東西邯屯田增留逢二部帝皆從

之利屯夾河合三十四部其功垂立會永初中諸羌叛乃罷順帝永建四年虞詡上疏曰禹貢雍州之域厥土惟上且沃野千里夫棄沃壤之饒損自然之財不可謂利遣秦帝乃復三郡湖方西河上郡徵河浚渠為屯田省內郡費歲一億計明年校尉韓皓轉湟中屯田置西河間以逼群羌羌以屯田近之恐必見圖乃解仇詛盟馬續上移屯田湟中羌意乃安至陽嘉元年以湟中地廣增置屯田五部并為十部永建六年以伊吾膏腴之地旁近西域匈奴資之以為鈔暴復令開設屯田如永平故事鄧訓擊販迷唐諸羌威信盛行遂罷屯田各令歸郡唯置弛刑徒二千餘人分以屯田為貧人耕種修理城郭塢壁而已陽嘉元年復置玄菟郡屯田六郡傳變為漢陽太守廣開屯田列置四十餘營獻帝建安元年募民屯田許下建安十四年曹操引水軍自渦入淮出肥水軍合肥開芍陂屯田諸葛亮由斜谷伐魏亮以前者數出皆以運糧不繼使已志不伸乃分兵屯田為久駐之計耕者雜於渭濱居民之間而百姓按堵軍無私焉魏齊王芳正始四年司馬宣王督諸軍伐吳時欲廣田蓄穀為滅賊資乃使鄧艾行陳項以來至壽春自今淮陽郡項城縣以東至壽春縣艾以為田良水少不足以盡地利宜開河渠可以大積軍糧又通運漕之

道乃著濟河論以喻其指又以為昔破黃中因為屯田積穀於許都以制四方今三隅已定事在淮南每大軍征舉運兵過半功費百億以為大役陳蔡之間上下田良可省許昌左右諸稻田并水東下今淮北屯二萬人淮南三萬人十二分休常有四萬人且田且守水豐常收三倍於西計除衆費歲完五百萬斛以為軍資六七年間可積三十萬斛於淮上此則十萬之衆五年之食也以此衆矣無往而不克矣宣王善之皆如父計遂北臨淮水自鍾離西南橫石以西盡泚旁脂水四百餘里置一營六十人且田且守兼循廣淮陽百尺二渠上引河流下通淮潁大理諸陂於潁南北穿渠三百餘里溉田二萬頃淮南淮北皆相連接自壽春到京師農官兵田雞犬之聲阡陌相屬每東南有事大軍興衆汎舟而下達于江淮資食有儲而無水害艾所建也晉羊祜為征南大將軍鎮襄陽吳石城守去襄陽七百餘里每為邊害祜患之竟以詭計令吳罷守於是戍邏減半分以墾田八百餘頃大獲其利祜之始至也軍無百日之糧及至季年有十年之積太康元年平吳之後當陽侯杜元凱在荊州今襄陽郡修召信臣遺跡召信臣所作鉏陂六門堰並今南陽郡懷縣界時為荊州所蔽激用渙音消音諸水以浸原田萬餘頃分疆刊石使有定分公私同利

衆庶賴之號曰杜父舊水道唯沔漢達江陵千數百里北無通路又巴丘  
 湖沅湘之會表裏山川實爲險固荆蠻之所恃也預乃開楊口起夏水達  
 巴陵千餘里夏水楊口在今江陵郡江陵縣界巴陵即今郡內瀉長江之  
 險外通零桂之漕零陵桂陽並郡南大歌之曰後世無叛由杜翁孰識智  
 名與勇功東晉元帝督課農功二千石長吏以入穀多少爲殿最其宿  
 衛要任皆令赴農使軍各自佃即以名廩大興中三兵大飢後軍將軍應  
 詹上表曰魏武帝用東祇韓浩之議廣建屯田又於征伐之中分帶甲之  
 士隨宜開墾故下不甚勞大功克舉間者流人奔東吳東吳艱險皆已還  
 迄江西糧田疇廢未久大耕水耨爲功差易宜簡流入興復農官功勞報  
 賞皆如魏氏故事一年中與百姓二年分稅三年計賦稅以使之公私兼  
 濟則倉庾盈億可計日而待之穆帝升平初荀羨爲壯部都尉鎮下邳今  
 臨縣縣也田于東陽之石龍亦在今之臨淮郡界公私利之齊高帝勅  
 桓崇祖修理芍陂田曰卿但努力營自然平珍虜寇昔魏置典農而中都  
 足食晉開汝潁而河汴委儲卿宜勉之後魏文帝大統十一年大旱十  
 二年祕書丞李彪上表請別立農官取州郡戶十分之一爲屯田人相水  
 陸之宜計頃畝之數以贖贖雜物市牛科給令其肆力一夫之田歲責六

十斛甄其正課并征戌雜役行此二事數年之中穀積而人足矣帝覽而善之尋施行焉自此公私豐贍雖有水旱不為害也齊廢帝乾明中尚書左丞蘇珍之又議修石龍等七歲收數十萬石自是淮南軍防頗足孝昭帝皇建中平州刺史嵇暉建議開幽州督充舊陂今之陽郡之陽縣界長城左右營也歲收稻粟數十萬石此境得以周贍又於河內置懷義等屯以給河南之費自是稍止轉輸之勞武成帝河清三年詔沿邊城守堪耕食者營屯田置都子使以統之一子使當田五十頃歲終課其所入以論褒貶隋文帝開皇三年突厥犯塞吐谷渾寇邊轉輸勞弊乃令朔方總管趙仲卿於長城以北大興屯田唐開軍府以得要衝因隙地置營田天下屯總九百九十二司農寺因屯三項州鎮諸軍每屯五十頃水陸腴瘠播種地宜與其功庸煩省牧率之多少皆決於尚書省苑內屯以善農者為屯官屯副御史巡行莊輸上地五十畝瘠地二十畝稻田八十畝則給牛一諸屯以地良薄與歲之豐凶為三等具民田歲穫多少取中熟為率有警則以兵若夫十人助收隸司農者歲二月卿少卿循行治不法者凡屯田牧多者褒進之歲以仲春籍耒歲頃畝州府軍鎮之遠近上兵部度使宜遣之開元一十五年詔屯官叙功以歲豐凶為上下鎮成

地可耕者人給十畝以供糧方春時也官巡行田作不勤者懲督之田收  
穀百九十餘萬斛初度支歲市糧於北都以贍武振大德靈武並夏之軍  
費錢五六十萬緡沂河舟溺甚衆建中初宰相楊炎青道也田於常川  
發關輔民於陵陽渠以增溉京兆尹嚴郢中從事朔方知其利害以為不  
便疏奏不報郢乃奏五城舊屯其數至廣以開渠之脈貸諸城官田約以  
各輸又以開渠功直布帛先給田者據估轉賴如此則關輔免調發五城  
田闢北之浚渠利十倍也時楊炎方用事郢議不用而陵陽渠亦不成然  
振武天德良田廣袤千里元和中振武軍飢宰相李絳請開營田可省  
度支漕運及絕和雜欺隱憲宗稱善乃以韓重華為振武京西營田和耕  
水運使起代北墾田三百頃出贓罪吏九百餘人給以耒耜耕牛假糧種  
使償所負粟二歲大熟因募人為十五屯每屯百三十人人耕百頃就高  
為堡東起振武西逾雲州極於中受降城凡六百餘里列柵二十墾田三  
千八百餘里歲收粟二十萬石省度支錢二千餘萬緡重華入朝奏請益  
開田五千頃法人七十可以盡給五城會李絳已罷後宰相持其議而  
止憲宗末天下營田皆顧民或借庸以耕又以瘠地易上地民間苦之穆  
宗即位詔還所易地而耕以官兵耕官地者給三之一以終身靈武邠寧



土廣肥而民不知耕 太和末王起奏立營田後亮頃大擾河西解寧節  
度使畢誠亦募士開營田歲收三十萬斛省度支錢數百萬緡 上元中  
於楚州古射陽湖置洪澤也壽州置芍陂也厥田沃壤大獲其利 宋太  
宗皇帝端拱二年以左諫議大夫陳恕為河北東路招置營田使魏羽為  
副使右諫議大夫樊知古為河北西路招置營田使索湘為副使欲大興  
營田也 淳化四年知雄州何承矩請於順安寨西引易河築堤為屯田  
既而河朔頻年霖澍水潦河流湍溢壞城壘民舍復請因積潦處蓄積為  
陂塘大作稻田以足食 真宗咸平五年敕直斗春請增廣方田疏治溝  
塍為胡馬之閑詔遼臣經度之順安軍威虜軍保州定州皆有屯田 元  
平改定州保州順安軍營田務為屯田務凡九州軍甘道官監務置吏屬  
召募役兵自京師傳送衛稽幹以補牛闕 陝西轉運使劉綜上言今於  
古原州建鎮戎軍以備賊請遷於軍城四面置屯田務開田五百頃置下  
軍二千人牛八百頭以耕種之又置堡寨使其分居無寇則耕寇來則戰  
從之既而原渭亦開方田戎人內屬者皆依之得以安居 襄州襄陽縣  
有屯田三百餘頃知州耿望請置營田務是歲種稻三百餘頃五年以其  
煩擾罷之 唐州潁陽陂亦有營田務歲種七十餘頃後以其所收薄且

擾人罷之賦貧民天禧末諸州屯田總四千二百餘頃而河北屯田歲收二萬九千四百餘石而保州最多逾其半焉江淮兩浙承魏制皆有屯田克復後多賦與民輸租第存其名在河北者雖有其實而歲入無幾利在畜水以限戎馬而已治平三年河北屯田有田三百六十七頃得穀三萬五千四百六十八石神宗熙寧元年詔以坊監牧馬餘地主田官令專稼政以資牧養之用素原武單鎮洛陽沙苑淇水安陽東平七監地餘良田萬七千頃可賦民租佃收草粟以備枯寒從樞密副使邵亢請也四年河北屯田司屢言豐歲所入亦不償費詔沿邊屯田不以水陸悉募民租佃罷屯田務收其兵為州廂軍五年知延州趙鼎乞根括閑田及募弓箭手詔如其請行七年章惇初築沅州亦為屯田務元豐二年以所收不及額罷之九年詔熙河路有弓箭手耕種不及之田經略安撫司權點廂軍佃之官置牛具農器人給一頃歲終參較弓箭手廂軍所種孰為優劣以行賞罰六月謝民憲言逃走弓箭手并營田地土昨多方設法召人請佃今未認租課乞許就近於本城寨送納特與蠲免丈移折變從之知河州鮮于師中乞以未募弓箭手地百頃為屯田從之元豐元年詔經制熙河財用司括冒耕地期年歲使民得自言五年

提舉熙河營田康識言新復土地及命官分畫經界選知田廂軍人給一  
頃耕之餘悉給弓箭手人如一頃有馬者又加五十畝每五十頃為一營  
四寨堡見缺農作廂軍乞許於秦鳳湟原熙河三路選募廂軍及馬逆鋪  
卒願行者又給裝錢二千從之八年樞密院上河東經略司之言曰去  
年出兵耕種木瓜原地凡用將兵萬八千餘人馬二千餘匹費錢七十餘  
緡穀近九千石糗糧近五萬斤草萬四千餘束又保甲守禦費緡錢十三  
百米三千二百石役耕民千五百雇牛千具皆強民為之所收禾粟蕎麥  
萬八千石草十萬二千不償所費又借轉運司錢穀以為子種至今未償  
增人馬防拓之費仍在年計之外慮經略司來年再欲耕種乞早賜約束  
詔諭呂惠卿毋蹈前失元祐元年永興軍民庶進狀言興平縣有地二  
百四十餘頃又輸二稅熙寧五年本縣抑令退為牧地詔提刑司審定以  
奏如他州縣更有以稅地改牧地者亦具以聞提刑司乞與免納租錢給  
種如故大觀二年陝西轉運副使孫琦言西寧湟廊三州良田沃野並  
給族部略無賦稅今進築之初宜召諸首領與族長開諭令量立租課責  
期限並委族長使之催諭詔重賞度其宜以行五年提舉湟原弓箭手  
司奏乞業漢蕃田土其已開熟地仍許著業外若非朝命所給而州軍帥

司一時私自撥予武川原慢坡地上今仍荒閑者並以給招關額人馬惟  
不堪耕種者方許撥充牧地庶可究極地利增廣人兵從之 紹興元年  
鎮撫使知荆南府解潛奏措置荆南歸峽荆門公安五州營田其後軍食  
仰給省縣官之半 三年德安復州漢陽軍鎮撫使陳規放古屯田有逃  
戶歸業者收畢給之過三年者不受理凡軍士所屯之田皆相其險隘立  
為堡寨其弓兵等半為守禦半為耕種如遇農時則就田作有警則充軍  
用凡耕種則必少增錢糧秋收給斛斗犒賞依鋤田客戶則例餘並入官  
凡民戶所營之田水田畝賦粳米一斗陸田豆麥夏秋各五升滿二年無  
欠輸給為永業兵民各處一方流民歸業漸衆亦置堡寨屯聚凡屯田事  
務營田司兼行營田事府縣官無行吏不別置官吏當時廷紳因規奏請  
相與推廣謂一夫授田百畝古制也厥今諸荒田甚多惟恐人力不足無  
肥瘠不同難以聚論當聽人戶量力取射其有闕少牛畜宜用人耕之法  
以二人拽一犁凡授田五人為一甲別給菜田五畝為廬舍稻塲兵屯以  
大使臣主之民屯以縣令主之以歲課多少為殿最下諸鎮推之 又詔  
江東西宣撫使韓世忠措置建康營田 又詔湖北浙西江西屯營田徭  
役料配並免 五年屯田郎中樊賓言荆湖江南與兩浙膏腴之田彌亘

數千里無人可耕則地有遺利中原士民扶攜南渡幾千萬人則人有餘力今若使流寓夫業之人盡田荒閑不耕之田則地無遺力可以資中興

六年右僕射張浚奏改江淮也田為營田凡官田逃田並徇籍以五頃為一莊募民承佃命措置官與賓王舉行之尋命五大將劉光世韓世忠張浚岳飛吳玠及江淮荆襄利路帥悉領營田使江淮營田置司建康歲中收穀三十萬有奇七年監中徽李棠言營田之官或押配豪戶或強科保正田瘠難耕多收子利張浚亦覺其擾請罷司以監司兼領於是詔帥臣兼領營田內見帶營田使名者即仍舊詔獎諭川陝宣撫吳玠治廢堰營田六十莊計田八百五十四頃約收二十五萬石補助軍糧以省餽餉十六年定江淮湖北營田以紹興七年至十三年所收數內取三年最多數內取一年酌中為額縣官奉行有方無詞訴仰勒處分三等定賞罰隆興元年工部尚書張闡言今日荆襄屯田之害非田之不可耕也無耕田之民也官司慮其功之不就不免課之游民游民不足不免抑勒百姓捨已熟田耕官土田私田既荒賦稅猶在或遠數百里追奪以來或名雙丁役其強壯占百姓之田以為官田奪民種之穀以為官穀老稚無養一方騷然有司知其不便申言於朝罷之誠是也然臣切謂自去

歲以來置耕牛置農器修長木二渠費已十餘萬其間豈無已墾闢之地  
豈無廬舍場圃尚可卒業一旦舉而棄之不為勢家所占則是捐十萬緡  
於無用之地而荆襄之田終不可耕也臣比見兩淮歸正之民動以萬計  
官給之食以半歲為期今踰期矣官不能給則老弱飢餓者轉而他之殊  
夫斯民向化之心兼亦有傷國體臣愚以為荆襄之田尚有可承之規與  
其棄之孰若使歸正之民就耕非惟可免流離庶使中原之民知朝廷有  
以處我率皆樞負而至異日墾闢既廣田疇既成然後取其餘者而輸之  
官實為兩便詔除見耕種人依舊外餘令虞允文同王珣疾速措置元史  
志樞密院所轄左衛屯田右衛屯田中衛屯田前衛屯田後衛屯田武衛  
屯田左翼屯田萬戶府右翼屯田萬戶府中一翊侍衛屯田左  
右欽察衛屯田左衛率府屯田宗仁衛屯田宣忠扈衛屯田大  
農司所轄永平屯田總管府營田提舉司宣徽院所轄淮東淮西屯田  
打捕總管府豐閭署寶坻屯田腹裏所轄軍民屯田大同等處屯田儲總  
管府屯田虎賁親軍都指揮使司屯田額州行省屯田遼陽等處行  
中書省所轄屯田大寧路海陽等處打捕屯田所浦峪屯田萬戶府  
金復州萬戶府屯田肇州蒙古屯田萬戶府河南行省所轄軍民屯田

南陽府民屯 洪澤萬戶府屯田 芍陂屯田萬戶所 陝西屯田總管  
府 陝西等處萬戶府屯田 貴赤延安總管府屯甘肅等處行中書省  
所轄軍民屯田 寧夏等處新附軍萬戶府屯田 管軍萬戶府屯田 寧  
夏營田司屯田 寧夏路牧良官屯田 亦 屯田江西等處行中書  
省所轄屯田贛州路南安寨兵萬戶府屯田 汀漳屯田高麗國立屯四  
川行省所轄軍民屯田二十九處雲南行省所轄軍民屯田一十二處湖  
廣等處行中書省所轄屯田三處開封府志本府所屬計一百四十二屯  
祥符縣安吉衛四屯 神武衛一屯 寧國衛二屯 大梁衛一十八屯  
堅城衛一十六屯 祥符衛三屯 通許縣安吉衛四屯 寧國衛三屯  
堅城衛二屯 杞縣安吉衛一屯 宣武衛三屯 興化衛四屯 寧國  
衛一屯 陳留縣安吉衛六屯 宣武衛六屯 神武衛一屯 寧國衛一  
屯 祥符衛三屯 堅城四屯 大梁衛一屯 封丘縣堅城衛二屯 陳州  
衛計五十六屯 洪陵村一屯 北鄭莊一屯 西鄭莊二屯 白塔村一  
屯 西城村一屯 雙塚一屯 平信鄉一屯 南鄭莊二屯 古城村  
二屯 柳牌村五屯 五祥村二屯 永安村一屯 黃堆村四屯 司  
凌村七屯 九里溝一屯 紅龍溝二屯 明化鄉二屯 馬村二屯

蔡河西三屯 方城店一屯 栗園村一屯 劉村一屯 荆柯村三屯  
孟家莊一屯 龍岡村一屯 高橋村三屯 黃連村一屯 岡頭村  
一屯 八丈村二屯 名河村一屯 汝寧府志汝寧府所屬計六十七屯  
汝陽縣徐家莊屯 黃里保屯 黃家店屯 賈家莊屯 劉家莊屯  
馬家莊屯 謝唐店屯 芋蔴店屯 楊家店屯 趙家店屯 永豐屯  
興莊屯 石羊保屯 藏家莊屯 羅古橋屯 右魯莊屯 西達保  
屯 窪灣屯 綠臺屯 寨頭屯 右廣積屯 七里保屯 趙莊屯  
桃陂屯 羅莊屯 漆口屯 殷宅屯 官莊屯 三橋屯 萬勝屯  
吳莊屯 崇興屯 慶豐屯 永安屯 後廣積屯 永積屯 積餘  
屯 義永屯 新安屯 確山縣劉家莊屯 李家莊屯 葛家莊屯 溝  
頭屯 左韓莊屯 陂頭屯 石橋屯 路家莊屯 桃莊店屯 達達  
莊屯 新莊屯 右韓莊屯 後魯莊屯 三溝屯 栗林莊屯 夏家  
莊屯 窪莊屯 曹塘堰屯 棠林莊屯 梁塘堰屯 趙家莊屯 柳  
莊屯 上蔡縣邵店屯 半坡店屯 陳家莊屯 周家莊屯 河南府志本  
府所屬軍屯計三十五所洛陽縣李密保五屯 杜村保三屯 康家莊  
保一屯 金水保二屯 谷水保二屯 偏橋保一屯 水南保一屯



碑樓保一屯 順師縣韓莊保二屯 宜陽縣高橋保二屯 嵩縣王耆保五屯  
新店保二屯 鳴皋保一屯 陝州雙槐樹一屯 鵝鴨池一屯 新店  
一屯 槐林村一屯 西故驛村屯 黃村一屯 西梁村一屯 南陽府  
志本府守禦南陽衛左右前後千戶等所計二十五屯 南陽縣守禦左右  
千戶所十五屯 卧龍岡屯 蚊子港屯 北牛羊寨屯 附郭屯 岔  
河屯 南牛羊寨屯 石羊屯 北雷屯 北石磨鼓屯 盈益鄉屯  
七里屯 南石磨鼓屯 澠兒河屯 鎮莊屯 雞頭湖屯 鄧州守禦前  
千戶所二屯 七里河屯 陶莊屯 唐縣守禦後千戶所八屯 車兒港屯  
東趙莊屯 東三家河屯 清水河屯 徐家園屯 張青寨屯 竹  
根潭屯 西三家河屯 彰德府志彰德衛設立屯一十六所 安陽縣郭村  
等社計立一十三屯 減英屯 陳青屯 王成屯 毛通屯 倪遵屯  
周興屯 胡成屯 陳平屯 李德屯 王成屯 吳義屯 王忠屯  
詹祥屯 林縣白佛等社設立二屯 萊園屯 柳灘屯 隨州譚陂屯  
勾陂屯 李陂屯 寶陂屯 新修隨州圖經在應山縣南其屯所官在  
德安府城中北京志倚郭并所屬各州縣洪武四年設置官給牛具子種  
各衛分撥軍士開墾荒田以為足食安邊經久之計云宛平縣志軍屯一